

# Oddiu

Parfois les états se transforment en machines à broyer les identités, oubliant que la richesse du genre humain réside avant tout dans sa diversité et sa capacité à échanger.

À nant' à li to passi, s'alzenu tante croce  
Sottu à e staffilate calate sò e voce  
Imperu assassinu tombi ancu u ricordu  
È di u nostru sangue ùn sì mai à l'accordu

Tanti lochi sò morti sottu à e forze indegne  
Tantu sangue virsatu, tante è tante catene  
Oghje voli tumbà cultura è lingua nostre  
Ma sappia chì l'idee ùn si mettenu in chjostre

Tante bugie dette, tante trappule messe  
Cambianu i guverni, u discorsu hè u stessu  
Noi ùn vulemu guerra vulemu a nostra pace  
Mà tù cusì sdignoscu ci mandi sempre à ghjace

Ma falerà a piena, per pulisce a tarra  
Ma scuppierà u tonu per piccià in e sarre  
U focu di a vita, quellu di a vindetta  
È saremu adduniti in pettu à e to saette

À l'orlu di l'avvene un antru versu spunta  
Dumane tù sarè ghjudicatu da a Ghjunta  
È per tanti castichi, tante tribbulazione  
Cundannatu da l'omi à l'altare nazione

Jean-Yves Acquaviva \ Stéphane Ancey  
Vitalba